

適園叢書

張宗祥



通國書

張氏



德

園

業

書

集

十

集

甲寅立春日

張祖翼署



南林張氏采
輯善本彙刊

適園叢書目

第十集

求是齋金石跋四卷

丁紹基

太平治蹟統類三十卷

宋彭百川

太平御覽總目三十卷

宋趙鼎撰

永興御覽總目四卷

丁惟寧撰

韻十集

以韻集韻目

禾

是

齋

金

石

踐

四

青

四

清

金

司

知

采

是

齋

求是齋碑跋卷一

武進丁紹基

漢

婁山石刻

在今直隸廣平府永年縣臨洺鎮西十里

右篆文十五字題曰趙廿二年八月丙寅羣臣上壽此

石北石刻在直隸廣平府永年縣西臨洺鎮左近之婁

山一名狗山考漢書地理志趙國易陽縣嘉定錢獻之

先生謂今廣平臨洺通判城

案今爲同知治所

並引太平寰宇

記云臨洺縣也則今臨洺鎮爲漢趙國易縣縣治余曩

讀班志易陽縣注引應劭曰易水出涿郡故安師古曰

在易水之陽案漢故安在今直隸易州爲申屠嘉封邑

趙國疆域不能至是易水經流亦不應西至趙國心竊

疑之嗣閱太平御覽卷六十四地部漳水條引風土記
曰南易水本名漳水源出三門山案趙地記云六國時
此水名易水埤蒼及水經云洛水其目不知誰改俗謂
山之下地名洛水因逕之故曰洛水案燕趙記云其分
有三易漳爲南易是

以上皆御覽所引

始恍然於今之洛水古

亦稱漳水又名南易水漢趙國易陽蓋在南易水之北
故因以名縣然猶未有所折衷也光緒丙子丁丑閒攝
雞澤令時雞澤爲廣平郡屬常有事詣郡往來漳洛閒
因獲考其山川之形勢與其道里之遠近而知所謂臨
洺鎮者在郡治西四十五里南與邯鄲縣接壤再證以
李吉甫元和郡縣圖志及杜佑通典諸書並以唐臨洺

縣爲漢易陽縣而益信錢氏之說爲有徵鎮西有婁山
元和志作狗山云在臨洛縣西十里而此石刻在其山
椒蓋當漢時此山在易陽境內地屬趙國故其國王與
其羣臣登上壽其云趙廿二年者攷漢陽泉使者舍

熏鑪款題六安十三年

漢書地理志六安國有陽泉縣水經注決水篇陽泉水受決水

東北流逕陽泉縣故城東故陽泉鄉也漢獻帝中封太尉黃琬爲侯國案漢陽泉縣在今安徽潁州府霍丘縣西五十五里西漢屬六安國而高帝六年屬淮南國武帝元狩元年別爲六安國陽泉使者蓋陽泉縣之使者其製鑪時已屬六安國故題云六安十三年當在武帝後錢氏侗謂六安乃漢時國

王封地以紀其歷年與五鳳甄稱魯卅四年之例正同
則此云趙廿二年亦卽其例也但不知何王之紀年考
漢時王趙者高帝時則有張耳孝惠高后時則有隱王

如意共王恢幽王友均享國日淺不及廿二年惟趙王
遂以孝文元年紹封二十六年孝景三年反誅繼之者
爲趙敬肅王彭祖於孝景四年徙趙六十三年薨厥後
如頃王昌懷王尊哀王高又皆不及廿二年惟共王充
以元康元年嗣五十六年薨同時復有平干繆王元以

元鳳元年嗣二十四年

表作二十四年彭祖傳作二十五
十五年宋祁曰五當作二

鳳二年坐殺謁者會薨不得代亦稱趙王

見後漢書光
武紀進至閏

鄆故趙繆王子林說光武李
賢注繆王景帝七代孫名元

然繆王之廿二年爲宣帝

神爵四年正趙共王充在位之八年彼其羣臣上壽不

當復以趙紀年則此趙廿二年決非繆王元也且石刻

云趙廿二年必據其立國之始以紀年攷共王充之廿

二年當元帝初元五年趙之立國已百有餘年不啻云
趙廿二年知亦非共王充也然則其爲趙王遂乎細攷
漢表趙王遂以孝文元年紹封則其廿二年正孝文之
後六年是年匈奴三萬騎入上郡三萬騎入雲中夏四
月復大旱蝗漢廷君相方切憂勞而藩國羣臣反晏然
上壽刻石貢諛無是理也厥後趙王遂雖不終臣節而
在孝文之世猶未有鼂錯削地之議似不應狂悖乃爾
況趙王遂以幽王子紹封亦非始封之君不得云趙廿
二年則亦非趙王遂也是則此所稱趙廿二年要惟趙
敬肅王之紀年庶幾近之蓋王以孝景四年徙封其廿
二年爲武帝元光四年彼時海內晏安朝廷無事故與

其羣臣上壽此山合之本傳常夜從走卒行徼邯鄲中
及諸侯過客以彭祖險頗莫敢留邯鄲故其羣臣亦竟
侈然上壽勒石以爲觀美是此石刻當爲漢武帝時物
雲中沙南侯碑

永和五年六月 八分書

先府君歷代金石目分域編甘肅鎮西府宜禾縣有此
碑云宜禾縣煥采溝大道旁碑陰刻煥采溝三大字此
字在其背惟數字可辨攷鎮西府今爲新疆鎮西直隸
廳宜禾係晉縣屬燉煌郡今爲甘肅安西州地又案水
經河水篇又東過雲中楨陵縣南又東過沙南縣北從
縣東屈南過沙陵縣西酈氏注曰河水南入楨陵縣西

北緣胡山歷沙南縣東北兩山二縣之間而出余以太
和中爲尙書郎從高祖北巡親所經涉縣在山南王莽
之楨陸也北去雲中城百二十里縣南六十許里有東
西大山山西枕河河水南流派水尋經殊乖川去之次
似非關究也禹貢錐指曰楨陵卽廢東勝州其故城在
衛西北河東岸沙南縣在西岸榆林塞外唐爲勝州地
閻氏若璩曰元和志榆林縣本漢沙南縣漢雲中郡
故城在縣東北四十里則雲中郡治沙南矣 徐氏松
曰案今巴里坤闕舍圖嶺煥采溝有後漢永和五年石
曰雲中沙南侯是後漢時嘗爲國而郡國志亦不載

陝西通志漢沙南縣在府谷縣東北河套中一云在府

谷縣東北黃河西南岸

北海相景君銘

碑在今山東濟寧州學

順帝漢安三年

甲申仲秋

八分書

謹案石墨鐫華云此碑殘缺幾不成文考集古錄蓋自歐陽永叔時已然而都元敬乃錄其全文止缺三十字不知何據元敬又云家藏漢碑不完者皆以洪丞相隸釋足之此是耶王元美曰隸法固是古雅但益州部當言刺史不當言太守額曰銘辭曰誅亦屬未妥東京作者往往如是而碑中眉壽作麋壽歐公以爲古字通用良是考郡國志益州刺史部郡國十二漢中巴郡廣漢蜀郡犍爲牂柯越巂益州永昌此九郡也廣漢屬國蜀

郡屬國犍爲屬國此三屬國也合之共十二郡國則益州刺史部所屬有益州郡益州太守乃益州郡之太守也漢益州郡治滇池今雲南普寧州東至益州刺史則治蜀郡水經注益州舊以蜀郡犍爲廣漢爲三蜀是益州刺史不治益州郡也又百官志劉昭注益州本部郡有廣漢漢中巴郡犍爲蜀郡牂柯越巂益州永昌犍爲屬國蜀郡屬國廣漢屬國是益州刺史部之有益州郡屢見不一見王元美抑何不考之甚而乃以益州郡爲益州部謂當言刺史不當言太守耶光緒八年三月二十八日紹基識

太山都尉孔宙碑

碑在今山東兗州府曲阜縣孔廟